



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL

Komunikadu Imprensa
16 Feveiru 2015

**JSMP realiza treinamentu kona-ba Asesu ba Justisa iha Eskola Sekundária
Pública Nutetu Fohoren, Distritu Covalima**

JSMP, iha 12 Feveiru 2015 hala'o treinamentu ba estudante Eskola Sekundária Pública Nutetu Fohoren, Distritu Covalima kona-ba asesu ba justisa formál.

Objetivu hosi treinamentu ne'e mak atu hasa'e koñesimentu estudante sira nian kona-ba conseitu no prezensa Lei Kontra Violénsia Doméstika no provizaun sira Kódigu Penál ne'ebé hatu'ur tipu kazu sira ne'ebé klasifika nu'udar kazu violénsia doméstika tuir artigu 35 Lei Kontra Violénsia Doméstika no oinsa atu asesu ba justisa formal. Aleinde ne'e, liuhosi treinamentu ne'e, estudante sira ne'ebé partisipa iha treinamentu ne'e bele hatutan tan informasaun ne'ebé sira hetan ba estudante sira seluk no mós membru comunidade sira iha subdistritu refere.

“JSMP espera katak ho treinamentu ne'e, bele hasa'e tan númeru populasaun ne'ebé iha ona koñesimentu kona-ba sistema justisa formál Timor-Leste nian, nune'e sira bele ezersese sira nia direitu kona-ba asesu ba justisa ne'ebé konsagra ona iha Konstituisaun bainhira sira hetan tratamentu ka prátika injustisa ruma hasoru sira”, dehan Diretór Ezekutivu JSMP, Luis de Oliveira Sampaio.

Iha abertura, Diretór eskola ne'e ho laran ksolok hato'o benvindu ba JSMP no agradese wa'in tanba bele hili sira nia eskola hodi halo treinamentu ne'e. Nia husu ba estudante sira atu bele tau atensaun didi'ak atu bele aprende buat ruma hosi treinamentu ne'e.

Totál númeru estudante ne'ebé partisipa iha treinamentu ne'e hamutuk ema na'in 30 ne'ebé kompostu hosi fetu na'in 15 no mane na'in 15. Partisipante sira haksolok tebes ho treinamentu ne'e no partisipa ho ativa. Iha diskusaun grupu, sira hatudu rezultadu ne'ebé di'ak tebes.

Iha sesaun ikus liu, bainhira taka treinamentu ne'e, aleinde agradesimentu no apresiasaun ne'ebé Diretór eskola hato'o ba JSMP, mestre sira iha eskola ne'e mós husu ba JSMP atu bele prepara no fó sertifikadu ba estudante sira ne'ebé partisipa iha treinamentu ne'e. Ne'e hanesan rekoñesimentu ida ba estudante sira ne'e no mós bele tulun sira bainhira eskola hotu no buka servisu.

Treinamentu ne'e realiza tanba apoiu hosi Embaixada Canada, Jakarta-Indonézia.

Atu hetan informasaun kle'an favór kontaktu direktamente:

Rua setubal, Colmera, Dili Timor Leste
PoBox: 275
Telefone: 3323883 | 77295795
www.jsmp.tl
info@jsmp.minihub.org
Facebook: www.facebook.com/timorleste.jsmp
Twitter: @JSMPtl

Luis de Oliveira Sampaio
Diretór Eksekutif JSMP
Alamat e-mail: luis@jsmp.minihub.org
info@jsmp.minihub.org
Telefone:3323883 | 77295795

Rua setubal, Colmera, Dili Timor Leste
PoBox: 275
Telefone: 3323883 |77295795
www.jsmp.tl
info@jsmp.minihub.org
Facebook: www.facebook.com/timorleste.jsmp
Twitter: @JSMPTl